

續修四庫全書

卷之四
四
五
六
七
八
九

《續修四庫全書》編纂委員會編

續修四庫全書

上海古籍出版社

三四六・史部・編年類

續資治通鑑二百二十卷(卷一百六十四至卷二百二十)

〔清〕畢沅撰……………

E278/06

續資治通鑑

四

〔清〕畢沅撰

據清嘉慶六年馮集梧等
遞刻本影印原書版框高二
二〇毫米寬三一二毫米

續資治通鑑卷第一百六十四

宋紀一百六十四

起理宗大淵獻正月盡屠維赤奮若九月凡二年有奇

理宗建道備德大功復興烈文仁武聖明安孝皇帝

寶慶三年

金正大四年蒙古太祖二十二年

春正月辛亥朔發冊寶于

大慶殿帝率羣臣上壽明皇太后尊號于慈明殿庚

申以冊寶禮成制楊谷楊石竝為少傅壬戌金增築

中京城浚汴城外壕劉瑋上疏自劾未幾死朝廷復

欲安撫李全以姚弋仲嘗與李全交驩迺以為淮東制置

使荆朝辭帝曰南北皆吾赤子何分彼此卿其為朕撫

定之

至楚州東艤舟以治事閒入城見楊妙真用徐

晞稷故事而禮過之妙真許弋仲入城弋仲乃入寄治僧寺

中極意娛之己已詔曰朕每觀朱熹論語中庸大學

孟子註解發揮聖賢之蘊羽翼斯文有補治道朕方厲

志講學緬懷典刑濬用歎慕可特贈太師追封信國公

旋改封徽國公蒙古主雷兵攻夏王城自率兵渡河

攻金積石州二月癸未詔銓部今後司法參軍不許

以諸同年勞出官人注授諸道檢法官照條格差法憲

司毋得妄辟從梁成大之奏也甲申淮西強勇三軍

統制王鑑特添差兵馬鈴轄以職事修舉故也己亥

以鄂州諸軍副都統制賈俊捍禦西蜀勞效進官一等

金赫舍哩約赫德復平陽獲馬三千

欽本紀八千今從約赫德

傳未幾蒙古復攻取之蒙古兵突入商州殘朱陽盧

氏金樞密院判官伊喇布哈

舊阿今改

逆戰至靈寶東

遇游騎十餘人獲一人餘皆散走布哈乃以捷聞賞世

襲穆昆仍厚賜之人共知其罔上而無敢言吏部郎中

大興楊居仁上書微及之且言宰相宜擇人金主怒曰

相府非其人御史諫官當言彼吏曹何與於此丞相薩

布

舊徐進

曰天下有道庶人猶得獻言況在郎官

續資治通鑑卷一百六十四

二

陛下有寬宏之德故不應者猶言使其言可用則行之

不可用不必示臣下也金主意解遂不問

欽本紀不書本紀載布哈約赫德復平陽而布哈傳不載

金主之姨鄰國夫人不時出入宮闈干預時事監察

御史曹州商衡上書極言自是鄰國夫人被召乃敢進

見三月庚戌詔方春和時郡縣長吏其各勸農桑抑

末伦戒苛擾俾斯民安土樂業力本耕織以成富庶則

子汝嘉工部侍郎朱在言人主學問之要帝曰卿先

卿中庸序言之甚詳又言孔子廟從祀去王雱畫像帝

曰亦曾有此例乎在曰惟其從祀不當公論所以去之

又言先臣四書印本所在不同帝回顧宣諭曰卿先卿四書註解有補於治道朕讀之不釋手恨不與之同時

己已金徵夏稅二倍 蒙古主擬取德順爲坐夏之

所德順無軍金人甚恐節度使海仲舊倫愛識鳳翔進

士馬肩龍可與謀事遣書招之肩龍欲行或以德順決

不可守勸弗往肩龍曰海仲平生未嘗識我一見許爲

知已我知德順不可守往則必死然以知已故不得不

爲之死耳既至不數日受圍城中止義兵鄉兵八九千

人蒙古兵大集海仲假肩龍鳳翔總管府判官同守禦

凡攻守二十晝夜城破海仲死之肩龍自到元史

續資治通鑑 卷一百六十四

三

金史 夏四月癸卯朝獻景靈宮甲辰亦如之 是月

蒙古主次龍德時蒙古兵已破洮河西寧二州復遣將

攻信都拔之 五月壬子以岳珂爲戶部侍郎依前淮

南總領兼制置使 甲寅調大理寺三衙臨安府賊賞

錢詔大理三衙臨安府兩浙州軍杖以下罪釋之 已

已進讀高宗寶訓徹章賜宰執經筵各官燕于祕書省

講讀修注官各進官一等 李全在青州突圍欲走蒙

古富珠哩遣兵邀擊大敗之斬首七千餘級全退入城

城中食盡全欲降懼眾異議乃焚香南向再拜將自經

而使其黨鄭衍德等救已曰譬如爲衣有身愁無袖耶

北歸未必非福全遂出降蒙古諸將皆曰勢窮而降非

心腹也不誅後必爲患富珠哩曰不然誅一人易耳山

東未降者尚多全素得人心殺之不足以立威徒失民

望表聞蒙古主詔富珠哩便立處之乃以全爲山東淮

南楚州行省鄭衍德田世榮副之由是郡縣聞風款附

元史 太祖紀二十一年丙戌九月李全於益都

十二月李全降富珠哩傳互異蓋紀連書 蒙古兵破臨

之元史 本紀破臨洮在 蒙古遣唐慶使於金

閏五月甲申調大理寺三衙臨安府及屬縣賊賞錢

續資治通鑑 卷一百六十四

四

丁未錄行在罪囚 蒙古主避暑於六盤山 先是金

主集羣臣議與蒙古和同判睦親府事撒哈連舊倫

改力排和議左司諫陳規進曰兵難遙度百聞不如一

見臣嘗任陝西官近年又屢到陝西兵將亢懦恐不可

用語未終監察烏庫哩四和曰陳規之言非也臣近至

陝西軍士勇銳皆思一戰金主首肯又泛言和事規曰

和固非上策又不可必成然方今事勢不得不然使彼

難從猶可以激厲將士以待其變金主不以爲然羣臣

多以和爲便乃詔行省斟酌發遣至是乃遣前御史大

天完顏哈昭舊倫合爲議和使 丙辰金地震 六月

戊申朔日有食之 劉慶福在山陽不自安欲圖李福以贖罪福亦謀殺慶福互相猜忌福稱疾不出慶福往候福殺之納其首于姚翀翀大喜楚州自夏全之亂儲積無餘綱運不續賊黨籍籍謂福所致福畏眾口數見翀促之翀謝以朝廷撥降未下福乘眾怒與楊妙真謀召翀飲翀至而妙真不出就坐賓次左右散去福以翀命召諸幕客杜未等以妙真命召翀二妾諸幕客知有變不得已而往才至八字橋福兵腰斬之又欲害翀國安用救之得免敘吳宋史倫卿衍德救之今從齊東野語去鬚鬢縋城夜走歸明州死時江淮之民靡有寧居史彌遠莫知為計帝

續資治通鑑 卷一百六十四

五

亦置邊事於不問於是廷議以淮亂相仍遣帥必斃欲輕淮而重江楚州不復建閫就以其帥楊紹雲兼制置改楚州為淮安軍命通判張國明權守視之若屬廢州然 金完顏哈昭見蒙古主請和蒙古主謂羣臣曰朕自去冬五星聚時已嘗許不殺掠遠忘下詔耶今可布告中外令彼行人亦知朕意 蒙古盡克夏城邑其民穿鑿土石以避鋒鏑免者百無一二白骨蔽野是月夏國主覲力屈出降遂繫以歸夏立國二百餘年抗橫宋遼金三國偏鄉無常視三國之強弱以為異同至是乃亡時諸將多掠子女財帛耶律楚材獨取書數部大黃

兩駝而已既而軍士病疫唯得大黃可愈楚材用之所活萬人 秋七月己丑蒙古主殂于薩里川疾革謂左右曰金精兵在潼關南據連山北阻大河難以遽破若假道于宋宋金世讎必能許我則下兵唐鄧直擣大梁金急必徵兵潼關然以數萬之眾千里赴援人馬疲敝雖至弗能戰破之必矣言訖而殂年六十六葬起輦谷後追諡聖武皇帝加諡法天啓運聖武皇帝廟號太祖在位二十二年太祖漢沈有大略用兵如神故能滅國四十遂平西夏第四子圖壘監國 蒙古兵自鳳翔向京兆關中大震 金以工部尚書師安石為尚書右丞

續資治通鑑 卷一百六十四

六

旋以中丞烏克遜布吉舊倫烏古孫吉今改祭酒費摩阿固岱舊倫裴滿阿兼司農卿簽民兵督秋稅令民入保為遷避計議者以為蒙古兵未至而河南先擾時事可知矣 陞寶應為州而縣如故辛卯以鹽城淮陰山陽及寶應並隸寶應州 丁酉詔曰比者疾風甚雨介于秋成以朕之不德上天示譴夙夜震恐慮切民瘼訪聞畿甸多有飄損禾稻毀害室廬民居失業必致流離可憐憫被水州郡速議賑濟仍與放行竹木等稅及富室假貸向去且令倚閣庶幾貧富相資以寬目前之急併其它賑恤事件亟令有司條具以聞 八月丁未朔李知

孝言無逸一爲其義精淡最切於人主之身者曰集大命結人心保壽齡而已望陛下留意時政柄爲史稱遠所專鄭清之勸帝淡居講道學而知孝等亦稱道學餘論爲帝所許 李全之黨以軍糧不繼屢有怨言全將國安用間通相謂曰我曹米外日受銅錢二百楚州物賤可以自給而劉慶福爲不善怨仇相尋使我曹無所衣食時張林邢德亦在楚自謂嘗受朝廷恩中遭全圍貳今歸于此豈可不與朝廷立事王義淡嘗爲全所辱又自以買涉帳前人與彭義斌舉義不成而歸五人聚計曰朝廷不降錢糧爲有反者未除耳乃議殺李福及

續資治通鑑 卷一百六十四

七

楊妙真以獻遂帥眾趣妙真家妙真已易服往海州矣福走出邢德手刃之相屠者數百人有郭統制者殺全次子通及全妾劉氏安稱楊妙真函三首獻于楊紹雲馳送臨安傾朝皆喜檄知盱眙軍彭托及總管張惠范成進時青併兵往楚州復宣盡戮李全餘黨托輕僣不爲惠等所服得檄不自決請制府及朝廷處之朝議以時青望重檄青區畫青恐禍及密遣人報全于青州遷延不決惠成進以朝檄專委青而不及已乃歸盱眙設宴邀托乘其醉縛之渡淮以盱眙降于金金主封惠臨淄郡王成進膠西郡王俾惠專制河南以拒蒙古而使

總帥完顏額爾克戌之攷異金史哀宗紀正大三年十一月夏金自楚州來歸楚州王義洪張惠范成進以城降封四人爲郡王改楚州爲平淮州宋白華傳夏全自楚州來奔全至後盱眙楚州王義洪張惠范成進相繼以城降是夏全一人降金而與張惠等不同時也本紀因封齊而連書之耳今酌從宋史李全傳 金哈昭自蒙古還金主問蒙古主臨沒有止殺之言遂以爲從此息兵命有司罷防城及修城丁壯凡軍需租調不急者權停謂薩哈連曰諺云水淡見長人朝臣或欲我一戰汝獨言當靜以待之與朕意合今日有太平之望皆汝謀也先帝嘗言汝可用可謂知人矣 金監察御史張特立言衛鍋二宅久加禁錮轅國柝警如防寇盜近降恩赦謀反大逆皆蒙漸雪彼獨

續資治通鑑 卷一百六十四

八

何罪幽囚若是世宗在天之靈得無傷其心乎皇嗣未立未必不由此也又言方今三面受敵百姓彫弊宰執非才臣恐中興之功未可歲月期也當路者惡其言特立旋外謫 丙辰詔寧宗仁文哲武恭孝皇帝諡號見今六字依祖宗故事宜加上十字爲一十六字宰執侍從臺諫兩省官禮官集議詳具典禮以聞 癸亥詔吏部試邑兩經罷黜毋得再注知縣縣令從御史雷元英請也 己巳金萬年節同知集賢院史公奕進大定遺訓待制呂造進尚書要略是日大風落左掖門鳴尾壤丹鳳門扉隕霜禾盡隕 九月賜雷正諡曰忠宣 庚

子詔時青堅壁守淮獨當一面屢有戰捷除武康軍節度使左金吾上將軍忠義都統制 李全得時青報慟哭力告蒙古將富珠哩求南還不許全因斷一指以示之誓還南必叛富珠哩乃承制授全山東行省得專制山東歲獻金幣冬十月丙辰全遂與蒙古宣差張國明及通事數人還楚州服蒙古衣冠文移紀甲子而無子號楊紹雲聞其至遂留揚州國安用殺張林邢德以自贖郭統制亦爲全所殺尋復誘殺時青并其孤王義漢奔金金封爲東平郡王 己未詔曰朕以眇躬紹膺聖緒今始如見天地兢兢寅畏慮弗克任以克期齊肅庶續資治通鑑 卷一百六十四 九

幾對越無愧凡百御事之臣各宜恪謹攸司毋或怠慢以稱朕意 辛酉金陳規偕右拾遺李大節劾薩哈連諂佞招權納賄及不公事不報 甲子以右監門衛大將軍與夷爲立州觀察使賜名貴謙繼沂王後千牛衛將軍孟均爲和州防禦使賜名乃裕繼景獻太子後十一月丙子朔以奉上寧宗徽號冊寶告于宗廟天地社稷宮觀戊寅發冊寶于大慶殿遣羣臣奉上下寧宗廟 己卯朝獻景靈宮庚辰祭享太廟辛巳日南至祀天地于圓丘壬午大赦改明年爲紹定元年 李全敗額爾克及慶善努於龜山金人皆謂盱眙不可守金主

不從以淮南王招李全全曰王義浚范成進皆我部曲而受王封何以處我遂不受 詔大理寺三衛臨安府屬縣決繫囚兩浙州軍亦如之調大理寺三衛臨安府點檢酒所贓賞錢 壬寅詔布衣李心傳特授從政郎充祕閣校勘 甲辰以雪寒糴貴出豐儲倉米七萬石以紓民 慶善努之敗於龜山也金主置不問商衡言自古敗軍之將必正典刑不爾無以謝天下乃降慶善努爲定國軍節度使 金戶部侍郎權尚書曹溫之女在掖庭親舊干預權利其家人填委諸司貪墨彰露臺臣無敢言者商衡歷數其罪詔罷溫戶部改太后府衛

續資治通鑑 卷一百六十四

十

尉衡再上章言溫果可罪當貶逐無罪則臣爲妄言豈有是非不別而兩可之理金主爲之動容出溫爲汝州防禦使 十二月金以李蹊參知政事 辛亥詔兩浙江東西湖南北州縣申嚴遏米之禁 蒙古兵入京兆復破關外諸隘至武階四川制置使鄭損棄沔州遁三關不守金人盡棄河北山東關隘唯併力守河南保潼關自洛陽三門孟津東至邳州之雀鎮東西二千餘里立四行省帥精兵二十萬以守禦之議者請謹邊備以防南侵帝命樞臣采其計 蒙古史天澤在真定繕城壁修武備以高公抱憤諸砦乃武仙之巢穴帥兵破之

仙走入汲縣天澤復取相衛曦尖武馬等皆 蒙古兵破西和州知州陳寅率民兵晝夜苦戰援兵不至城遂破寅妻杜氏飲藥自殺寅朝服望闕焚香號泣曰臣始謀守此城爲蜀藩籬城之不存臣死分也再拜伏劍而死寅寶謨閣待制咸子也 是歲史彌遠訪將才於趙葵葵以兄范對遂以范爲淮東提刑兼知滁州范曰弟而薦兄不順以母老辭上書彌遠曰淮東之事日異月新然有淮則有江無淮則長江以北港汊蘆葦之處敵人皆可潛師以濟江而數千里何從而防哉今或謂吳詞厚惠可以啗賊而不知陷彼款兵之計或謂斂師湟

續資治通鑑

卷一百六十四

十一

屯可以緩賊而不知成彼深入之謀或欲行清野以嬰城或欲聚烏合而浪戰或以賊詞之乍順乍逆而爲喜懼或以賊兵之乍進乍退而爲寬緊皆失策也失策則失淮失淮則失江而其失有不可勝悔者矣夫有過敵之兵有游擊之兵有討賊之兵今寶應之逼山陽天長之逼盱眙須各增戍兵萬人遣良將統之賊來則堅壁以挫其鋒不來則耀武以壓其境而又觀釁伺隙偏師掩其不備以示敢戰使雖欲深入而畏吾之擣其虛此遏寇之兵也盱眙之寇素無儲蓄金人亦無以養之不過分兵擄掠而會當量出精兵授以勇技募土豪山奇

續資治通鑑

卷一百六十四

十二

設伏以剿殺之此游擊之兵也維揚金陵合肥各募二三萬人人物必精將校必勇器械必利教閱必熟紀律必嚴賞罰必公必人人思親其上而死其長信能行此半年而可以強國一年而可以討賊矣賊既不能深入擄掠無所獲而又懷見討之恐則必反而求贍於金金無餘力及此則必怨之怨之吾於是可以嫁禍於金人矣或謂揚州不可屯重兵恐速賊禍耳然揚州國之北門一以統淮一以蔽江一以守運河豈可無備哉善守者敵不知所攻今若設寶應天長二屯以扼其衝復重二三帥閫以張吾勢賊將不知所攻而敢犯我揚州哉朝廷乃召范稟議仍令知池州紹定元年金正大五年 蒙古監國春正月丙子朔帝帥羣臣上壽明慈睿皇太后尊號于慈明殿 庚辰金遣知開封府事完顏莽依蘇舊名麻斤 出今改及楊居仁如蒙古弔慰王午趙至道言江淮州郡安征經過米舟蘆蕩沙產一例官租山漆魚池創立約束禁止商人買販請下憲司嚴戒又言霖雨傾霖撥科賑恤而監司守令奉詔不虔梁成大言諸路屬縣擅置廂房囚繫無辜長吏不遵法令小民誣誤罪不過杖輒押出界流離失業請加禁約竝從之 乙酉楊谷楊石竝升少師 丁亥雷 丙申

出豐儲倉米七萬石以紓民 二月金大寒雷雨雪木
之華者皆死 丙午梁成大言選人改官舉主五員內
用職司一員始為及格近奔競巧取者或用職司三四
員甚至五員而寒峻終身不得職司請下吏部止用一
員過數毋令收使壬子成大又言銓法官吏交承必避
親嫌宗室替頭尤所不許庶革前後積弊竝下吏部謹
守舊法竝從之 癸丑金詔有司以臨洮總管圖們呼
圖克們塑像入褒忠廟書死節子孫于御屏量才官使
丁卯以潛邸陞黔州為紹慶府成州為同慶府 三
月辛巳陞寶應州山陽縣為淮安州改山陽縣為淮安
續資治通鑑 卷一百六十四 主

縣與漣水縣竝隸淮安州 乙酉金監察御史烏庫哩
布魯喇劾近侍張文壽張仁壽李麟之受饋遺金主曲
赦其罪而出之 辛卯賜楊輔誼曰恭惠 夏四月甲
辰朔金右丞師安石請從臺諫言治張文壽等三姦罪
言之不已金主怒凡四日不視朝遣人責安石曰汝便
承取賢相朕為昏主止矣安石驟蒙任用遽遭摧折而
寅疽發於腦而死金主甚悼惜之 金親衛軍王咬兒
酗酒殺其孫大理寺當以徒刑特命斬之 五月戊寅
梁成大請申嚴薦舉法除陞陟所知政績姑從舊法改
官廉吏犯入已贓者許舉主檢舉從之 六月壬寅朔

日有食之 改異金史不書六月 戊申以薛極兼同知樞
密院事 戊午錄行枉繫囚 壬戌金以早赦難犯死
罪以下 秋七月癸未梁成大言州縣貪刻或以微罪
沒入富家資產不申憲司掩歸私室自占估籍必的有
賊犯匱乏郡計請飭監司案奏以聞從之 李全在海
州厚募人為兵不隄南北官軍多應之天長民保聚
為十六砦比歲失業官賑之不能繼壯者皆就募射陽
湖浮居數萬家家有兵仗侵掠不可制其豪周安民谷
汝礪王十五長之亦彊結水砦以觀成敗全知東南利
舟師謀習水戰米商至悉併舟買之畱其舵工一以教
續資治通鑑 卷一百六十四 古

十遣人泛江湖市桐油黏筏厚募南匠大治舳艫船自
淮及海相望至是與楊妙真大開戰艦于海洋既而全
趨青州為嚴實及石霄格 舊作今改 小邀擊敗走遂奪青崖
峒據之霄格珪子也全旋歸海州治舟益急驅諸峒人
習水一金薩哈連為言路所劾太后遣人責之曰汝諂
事上上之騎鞠皆汝所教再有問必大杖汝矣金主頗
悟出為中京畱守兼行樞密院事初宣宗改河南府為
金昌府號中京又擬少室山為御營命人築之至是薩
哈連為畱守 辛亥畱元英言諸路州軍僚屬私役禁
軍請下帥司約束違者以聞從之 八月戊午以久雨

泚大理寺三衙兩浙路繫囚杖以下罪釋之罰賊賞錢有差 資政殿學士知潭州曾從龍言州縣賑民之法有三曰濟曰貸曰糶濟不可常惟貸與糶爲利可久今請撥緡錢一十萬有奇分下潭湘十縣委令佐糶米置惠民倉比附常平法從之 甲子金召拜姓舊化白還朝拜尚書右丞未幾拜平章政事拜姓居西垂幾十年雖頗立微效皆出諸將之力恒怯無能惟以儀體爲事性復貪鄙及爲相專懷尤甚嘗惡堂食不適口以家膳自隨 金增築歸德城行樞密院擬工數百萬金主遣白華往相役華見行院李辛語以民勞朝廷憂養之意續資治通鑑 卷一百六十四 五

減工三之一 九月甲戌詔監司每歲行所部州縣慮囚至來年正月歷徧如屬縣非監司經由之處委官分往監司復行點檢毋致冤濫奉行不虔御史臺覺察以聞 冬十月壬寅李知孝言浙東倉司創餘姚斷塘鹽竈擾生聚漂良田請行廢罷從之 甲辰朝獻景靈宮 丁未翰林學士侍讀鄧清之講畢帝曰近喜晴明刈穫迄事清之言陛下敬天事親皆極其至今天意昭格東朝悅豫應驗若此帝曰然然其時江西湖南福建寇盜竝起連破諸縣 乙酉留元英言請下吏部應銓量令官長貳從容延接訪問民事其疾病癯老者準指揮

施行如不堪任職貪酷累被案劾者與別法降等差遣稱量能授官之意從之 辛亥鄭清之同王暨進讀帝曰朕觀漢唐以下人主鮮克有終者皆由不知道清之言聖見高明可謂推本之論王暨講尚書帝問曰夏桀不道成湯放之可以鑒矣紂何爲復循其覆轍王暨曰惟上智與下愚不移殷鑒不遠在夏后之世紂不能鑒遂至滅亡所謂下愚不移者也清之曰古人主不能以亂亡爲監豈獨聞君庸主漢武帝飫聞亡秦黷武之弊而窮征四夷唐元宗手鋤太平逆韋之難而敗于女寵猶未足怪太宗英明創業親見隋煬征遼亡國乃縱兵續資治通鑑 卷一百六十四 六

鴨綠迄無成功有累盛德是皆不能以覆轍爲戒正如聖語由不知道所以不能以道制欲爾王暨曰以古爲鑑此言發于太宗而身自違之帝曰非知之艱行之爲艱 壬子趙至道言請行下諸路漕司嚴飭和糶官吏毋得多取增量庶農民不憚與官爲市從之 十一月李全至楚州以糧少爲辭遣海舟入平江嘉興實欲習海道以覘機旬然山東經理未定而歲貢蒙古者不可缺故外恭順朝廷以就錢糧因以買貨輸蒙古朝廷亦以全往來山東得稍寬北顧之憂遣餉不輟全日縱游說于朝謂當復建閩山陽又與金合從約以盱眙與之

金亦遣使聘全皆不遂 庚辰雷 辛巳金臣僚進言

宗實錄 壬辰調大理寺三衙臨安府鹽賦賞錢癸巳

決大理寺三衙兩浙州軍繫囚 十二月庚子朝日有

食之改異宋史不書十二 辛亥以薛極知樞密院事

兼參知政事葛洪參知政事袁詔同知樞密院事鄭清

之端明殿學士簽書樞密院事 癸丑江剛中言請戒

飭文武臣僚官各務體國同心如守倅令佐互申監司

卽事剖決曲直毋致模稜並罷其將帥或不協制司佗

急區處毋令兩虎自鬪偏裨智勇過人爲大將所忌者

舉薦之朝別行推用勿許占畱一方有警四面皆從毋

續資治通鑑 卷一百六十四 七

得輒分疆界觀望從之 金完顏莽依蘇楊居仁以奉

使不職尚書省置獄旋有旨釋之備再使權參知政事

烏固遜仲端言曰莽依蘇等辱君命失臣節大不敬宜

償禮幣誅之奏上莽依蘇等免死除名壬子完顏納紳

舊倫改改侍講學士充蒙古國信使 蒙古皇子圖壘

申今改聞燕京盜賊殺掠遣塔齊爾舊倫塔察兒今改耶律楚材窮治

其黨誅首惡十六人羣盜屏迹

紹定二年金正大六年 蒙古太宗元年 春正月庚辰大理司直張珩

論州縣檢驗鞠獄四事帝曰刑獄人命所係豈容不謹

甲申從臣寮言詔諸漕臣嚴察屬縣丞簿依時過割

二稅從實銷注版籍違者案劾 時李全反叛已著史

彌遠尚視爲緩圖人不敢言權兵部侍郎李宗勉累疏

及之又上言欲人謀之合莫若通下情人多好諂揣所

悅意則侈其言度所惡聞則下其事上既壅塞下亦欺

誣而成敗得失之機理亂安危之故將孰從而上聞

不聞則不戒及其事至乃駭而圖之抑已晚矣欲財計

之豐莫若節國用善爲國者常使財勝事不使事勝財

今山東之旅坐糜我金穀湖南江右閩中之寇蹂踐我

州縣浮用泛用又從而耗之則漏卮難盈蠹木易壞設

有緩急必將窘于調度而事機失矣欲邦本之固莫若

續資治通鑑 卷一百六十四 六

寬民力州縣之閒歌歎者多惟剝之風浸以成習民生

窮蹙怨憤莫伸嘯聚山林勢所必致救焚拯溺可不亟

爲之謀哉 金主欲討李全召忠孝軍總領富察鼎珠

舊倫滿察定住今改經歷王仲澤戶部郎中刁璧權樞密判官白

華諭之曰李全據有楚州睥睨山東久必爲患今北事

稍緩合乘此隙令鼎珠權監軍率所統軍一千別遣都

尉司步軍萬人以璧仲澤爲參謀同往沂海招全不從

則臨以兵何如華曰李全偕北兵之勢要宋人供給餽

餉特一猾寇耳老狐穴塚待夜而出何足介懷我所慮

者蒙古之強耳今蒙古有事未暇南圖一旦無事必來

攻我與我爭天下者此也全何預焉若北方事定全將聽命不暇設更有非望天下之人寧不知逆順其有去順而從逆乎爲今計者宜養士馬以備蒙古金主默然良久曰俟朕更思明日遣鼎珠還屯尉氏 二月金右司諫陳規左拾遺李大節上言三事一將帥出兵每爲近臣牽制不得輒專二近侍送宣詔旨公受賂遺失朝廷體三罪同罰異何以使人金主嘉納 臣寮言請戒飭中外羣臣各守禮義廉恥之維堅安靖恬退之節有不滿意者奏劾以聞又言今日士大夫學術之未純皆基于岐道法爲二致立明示意嚮以風在位變易偏尚續資治通鑑 卷一百六十四 尤

卽道以行法遵法以爲政則學爲有用之學道爲常行之道從之 庚戌命歲舉廉吏申嚴保任之法如犯姦賊與之同罪仍令監司郡守覺察 蒙古兵在陝西者騷逼涇州且阻慶陽糧道金伊喇布哈奏陝西設兩行省本以藩衛河南今北軍之來三年於茲行省統軍馬二三十萬未嘗對壘亦未嘗得一折箭何用行省時樞密院亦言於金主曰將來須用密院句當軍馬金主不語者久之丙辰以布哈權樞密院副使旋以丞相薩布行尚書省事於關中召平章政事哈達還朝或異薩布行尚書省於關中金史曰華傳倫移布哈駐邠州忠孝軍提控完五月今從本紀酌書之

顏華率千騎屬焉 辛酉因臣寮言嚴禁書尺干請苞苴之弊 甲子侍講范楷進講易豐卦因言當豐盛之時聖人於諸爻有壅蔽不明之憂帝首肯良久曰豐亨盛大之時侈心易生後遂至徇情肆慾窮奢極靡如秦皇漢武禍亂將倫而不自知此不可不戒也侍讀喬行簡曰陛下言及此宗社之福帝曰只要心有所主于是講讀合辭贊曰聖學高明此語尤切當若心有所主則一切不能惑矣 辛巳監進奏院楊夢信言縣宰催科之擾帝曰財賦自有常數夢信曰常數固定只緣簿書不明所以有弊帝曰知縣在得人 辛卯詔諸路憲司

續資治通鑑 卷一百六十四

干

每歲將州縣繁囚瘐死最多者具獄官姓名以聞重與鐫降又詔今後州縣催科必遵常制縣令非才擇佐官可任者委之仍不許差州官及寄居權攝 癸巳監進奏院桂如琥言沿邊民兵可用帝曰今日立功多是民兵如琥曰民兵皆有戶籍稅產又諳熟地利故戰則有功帝曰然又論及擇將帝曰今日將才難得對曰行伍間亦有人往往軍將忌嫉不得自伸帝曰軍將多是相忌又言屯田帝曰荆襄所行如何對曰荆襄纔行數年得穀已踰百萬斛兩淮西蜀豈無可行之處帝曰然夏四月庚申詔州縣闕官不許豪民罷吏僭補官資權

攝小官請俸不許積壓及以它物推支民間二稅合輸本色不許抑令折納倍數取贏令臺諫監司覺察從臣寮請也 五月詔成都潼川路旱制置司及各路監司疾速措置賑恤務要實惠及民仍攷察郡縣奉行勤惰以聞 辛巳賜進士黃朴以下五百七十七人及第出身 臣寮言近年文氣委恭請申飭胥監師儒之官專于訓導使之通習經傳攷訂義理課試掄選須合體格去浮華穿鑿之弊從之 甲辰詔戶絕之家許從後立嗣不得妄行籍沒從臣寮請也 辛亥臣寮言浙西漕運推恃吳江石塘以捍水近年修塘之兵盡爲它役隄

續資治通鑑

卷一百六十四

主

岸頽毀請下漕司抽回以時補葺委平江府通判主管不得輒有抽差 丁巳臣寮言請令後非軍期大辟劫寇等事州不得差人下縣縣不得差人下鄉常令監司覺察從之 金隴州防禦使舒穆魯棟爾舊倫石抹冬兒今改進黃鸚鵡金主曰外方獻珍禽異獸違物性損人力令勿復進 秋七月丙寅詔廣西州縣應闕官毋得以白身俗補人充攝 戊辰臣寮言自今起復士大夫必甚不得已出於特旨監司帥守不得妄有陳乞從之 辛未臣寮言請申飭有位非休假不許出謁或實有幹故先申尚書省方許出城從之 癸酉知常德府袁申儒朝

辭諭州縣奉催稅賦害民事帝曰民力甚貧皆是州縣不體愛民之意卿到官當以愛民爲先 辛巳臣寮言請詔戶刑部嚴行約束二廣監司郡守用刑須遵法律毋得輕視人命漕司買鉅須依時直不得低價欺買船司每歲差官稽察就委逐州通判不許吏卒越界追擾生事從之 金罷陝西行省軍中浮費以完顏仲德沙呼舊倫忽斜虎知鞏昌府兼行總帥府事時陝西諸郡已殘穀人多歸之一方獨得小康 八月丙申朝詔戶部循下諸路州軍不得增收苗米多量斛面許越訴仍令漕

續資治通鑑

卷一百六十四

主

臣覺察從臣寮請也 丁酉臣寮言州縣典獄官吏或淹延久繫或牽惹無辜或奉上官而失本情或行暴虐而取賄賂宜飭諸路憲司禁戢懲勸從之 辛丑進知靜江府趙崇模直敷文閣以職事修舉故也 壬寅監察御史雷元英言二廣列郡及福建上四州惟鹽是利守令克剝于常賦之外籍戶口以敷鹽民被其擾近者汀口亦基於此宜戒飭二廣福建漕司嚴察州縣痛革前弊仍令憲司歲行所部許人陳訴從之 丙午臣寮言州縣供攤告訐二害請今後凡追究不實者許被害人越訴仍令監司覺察從之 先是蒙古太祖伐金定

西域攻城略地第三子諤格德依舊倫窩闐今改之功居多

至是自和博舊倫霍博今改來會暴耶律楚材以太祖遺詔召

諸王畢會請立諤格德依時圖壘舊倫拖雷今改監國諸王意

猶豫未決楚材言於監國曰此社稷大計若不早定恐

生它變已未圖壘與諸王奉諤格德依即位於和林東

奎騰阿喇勒舊倫庫鐵烏阿刺里今改之地時庶事草創禮儀簡率

楚材始定冊立禮儀皇族諸王尊長皆就班列以拜又

中原新定未有號令長吏皆得自專生殺楚材以為言

命禁絕之 金伊喇布哈再復澤潞 九月乙丑朔詔

禮部國子監上舍必循舊法守年不得用例徑赴

續資治通鑑

卷一百六十四 三

殿試從臣寮請也 丁卯台州水 壬申臣寮言請明

飭吏部應曾經論罷之人雖免約法而職狀顯白並須

經郊方許參注或被論未久遇赦令待後郊庶令畏憚

從之 丙子祕書省正字王會龍言聖學濫造自得本

之於致知格物達之於治國平天下帝曰如是則人主

之學當以致知為力行之本又言宜裕民力固邦本帝

曰朕未嘗無愛民之心但州縣不能奉行爾 壬辰進

知臨安府趙立夫官一等以和糴有勞也 金洮河蘭

會元帥郭斌進西馬二金主詔曰卿武藝超絕此馬可

充戰用朕乘此豈能盡其力既入進即尚廢物也今以

賜卿其悉朕意 金遣阿固岱歸蒙古太祖之賻蒙古
主曰汝主久不降使先帝老于兵閒吾豈能忘也賻何
為哉卻之遂議伐金

續資治通鑑 卷一百六十四 三

續資治通鑑卷第一百六十四